

chiamati, perchè il papa disse aver consultato, et che li basta saper l' opinion dil provedador et orator, senza altri condutieri; e che 'l vol andar a campo a Ferrara. E questa è la soa conclusion. Et ha dito, voler dar danari a le so zente. Si che, fra 8 zorni a la più longa, il papa in persona, col campo, partirà di qui per Ferrara. Molti voriano el papa tornase a Bologna; non z' è ordine: vol andar in persona a Ferrara, e questa è cossa certa. Questa madona di la Mirandola, fia di missier Zuan Giacomo Triulzi, parte damatina, et va a Rezo et Parma, perchè il papa vol la vadi via. Il conte Zuan Francesco ancor non è in signoria; va anche lui, come soldato, per la Mirandola, et à fato vegnir la moglie et fioli in la Mirandola. Non sa quello farà il papa, si ge là darà o no, perchè ha uno cervelo a suo modo, che non si pol far fondamento, ma à cuor teribele in ogni cossa. Ozi, el ducha di Urbin mandò a dimandar al papa, che 'l voleva li cavali per lui; e vene missier Baldisera di Castiglion, suo primario. Il papa li rispoxe con tanta colora, e levò su di la cathedra e disse: Sì, che vi havete portato bene, e ancor andate perseverando a vostro modo! *Item*, l' è venuto nova, ozi, al papa di la morte dil reverendissimo Napoli a Ròma. E nota, fo per letere di 20. Chome si si ha per le publice, el papa à dato uno episcopato in Spagna di ducati 2000, et una abatia in Reame di ducati 3000, che sono ducati 5000, al reverendissimo Ragona; ch' è qui in campo. Et el yescoado di Rimano, che havea dito cardinal Napoli, non l' à ancor dato; se dize lo darà al fiol di missier Bortolo de la Rovere. Et un benèficio di San Lorenzo *extra muros*, non sa a chi l' habi dato. Tute altre cosse havea renonciate in vita; è morto uno homo da bene. *Etiam* si ha, a Roma el cardinal Arborenses, spagnol, stava *in extremis*; sì che il papa è fortunato. Se dize *etiam*, che il cardinal Santa †, qual è a Pavia, havia dil male. Diman, *firmiter*, il provedador anderà ad alozar in la Mirandola. Il signor Fabricio Colona parte sabato, a di 25; e va con vergogna, perchè tutti dicono non ha fato il suo dover, e il papa non è satisfato di lui in cossa alcuna. Questi soldati, che erano in la Mirandola, dicono palixe a tutti, che, si non era il giazio et le zente di la Signoria, mai se rendevano per quelle dil papa; et il papa è tanto satisfato di fati nostri, che non si pótria dir più *etc.*

A di 26, *domenega*. La matina. Fo letere di l' orator Donado, di 23, da la Mirandola. Di quanto havia exposto quel Zuan Cola e l' orator cesareo

al pontifice, zercha l' acordo faria l' imperador con la Signoria nostra, *ut in litteris; videlicet*. . .

Da poi disnar fo gran consejo. Et prima fu posto la parte, messa *alias* per mi, hessendo a li ordeni, di far baylo a Constantinopoli per scurtinio et 4 man di eletion, con ducati 100 neti al mexe per spexe, *ut in ea*. Ave 138 di no, 1157 de sì; et fu presa. Et meni fanti 3, el cancelier, e il suo famejo.

Fu fato poi scurtinio, et rimase sier Sabastian Zustignan, el cavalier. E il scurtinio, e quelli fonno nominati in gran consejo, saranno qui avanti posto. *Etiam* fo fato eletion di capitano di le galie di Romania, e niun non passò; ni *etiam* provedador sopra le legne *etc.*

Scurtinio di baylo a Constantinopoli.

Sier Zuan Moro, fo capitano di le galie di Baruto, <i>quondam</i> sier Damian . . .	53
Sier Francesco Contarini, <i>quondam</i> sier Lucha . . .	26
Sier Andrea di Prioli, di sier Alvixe, <i>quondam</i> sier Nicolò . . .	40
Sier Tomaxo Venier, fo provedador a Lonà, <i>quondam</i> sier Piero . . .	52
Sier Zuan Maria Mudazo, fo retor in Setia, <i>quondam</i> sier Marco . . .	42
Sier Marin Barbo, fo ai X savij, <i>quondam</i> sier Nicolò . . .	59
Sier Alvixe Corner, fo podestà a Malvasia, <i>quondam</i> sier Donado . . .	32
Sier Vincenzo Polani, fo provedador sopra le camere, <i>quondam</i> sier Jacomo . . .	28
Sier Nicolò Marin, fo di la zonta, <i>quondam</i> sier Piero . . .	45
Sier Hironimo Zorzi, <i>quondam</i> sier Andrea, da San Marcuola . . .	39
Sier Andrea di Prioli, <i>quondam</i> sier Marco, <i>quondam</i> sier Zuan, procurator . . .	70
Sier Andrea Bragadim, fo capitano di le galie di Fiandra, <i>quondam</i> sier Hironimo . . .	79
Sier Hironimo Baffo, fo ai X savij, <i>quondam</i> sier Mafio . . .	28
† Sier Sabastian Zustignan, el cavalier, fo savio a terra ferma, <i>quondam</i> sier Marin . . .	100
Sier Andrea Bondimier, fo capitano di le galie di Alexandria, di sier Zanoto . . .	35
Sier Sabastian Badoer, <i>quondam</i> sier Jacomo, fo castelan a Zerines . . .	13